

VENDIM
Nr. 75, datë 10.5.2019

MBI PËRCAKTIMIN E ÇMIMIT TË SHITJES SË ENERGJISË ELEKTRIKE NGA FURNIZUESI I MUNDËSISË SË FUNDIT PËR MUAJIN PRILL 2019

Në mbështetje të nenit 16 dhe nenit 87, pika 4, të ligjit nr. 43/2015 “Për sektorin e energjisë elektrike”, i ndryshuar; “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”, miratuar me vendimin e bordit të ERE-s nr. 201, datë 4.12.2017, i ndryshuar me vendimin e bordit të ERE-s nr. 144, datë 25.6.2018 “Mbi rishikimin e “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”, nenit 15 të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 3.9.2016, Bordi i Entit Rregullator të Energjisë, në mbledhjen e tij të datës 10.5.2019, mbasi shqyrtoi relacionin e përgatitur nga Drejtoria e Tarifave dhe e Çmimeve “Mbi përcaktimin e çmimit të shitjes së energjisë elektrike të furnizuar nga Furnizuesi i Mundësisë së Fundit” për muajin prill 2019,

konstatoi se:

- OSHEE sh.a., me anë të shkresës nr. 9438 prot., datë 25.4.2019, paraqiti në ERE aplikimin për çmimin e shitjes së energjisë elektrike për klientët e lidhur në nivelin e tensionit 35 kV, të cilët furnizohen nga Furnizuesi i Mundësisë së Fundit, për muaji prill 2019 dhe kërkon që çmimi i shitjes së energjisë elektrike të klientët e FMF-së për muajin prill 2019 të jetë 13.67 lekë/kWh.

- Në informacionin e dërguar me anë të kësaj shkrese, për llogaritjen e çmimit të shitjes së energjisë elektrike për klientët të cilët furnizohen nga Furnizuesi i Mundësisë së Fundit, është aplikuar formula për llogaritëse e parashikuar në nenin 8 të “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”, miratuar me vendimin e Bordit të ERE-s nr. 201, i ndryshuar me vendimin e Bordit të ERE-s nr. 144, datë 25.6.2018.

- Llogaritjet e OSHEE sh.a., si dhe propozimi i ERE për përcaktimin e çmimit për klientët që furnizohen nga FMF për muajin prill 2019 sipas “Metodologjisë së përcaktimit të çmimit të shitjes së energjisë elektrike nga Furnizuesi i Mundësisë së Fundit”, të rishikuar me vendimin nr. 144, datë 25.6.2018, paraqiten në tabelën përmbledhëse si vijon:

Çmimi për FMF për muajin prill 2019

Prill 2019		Aplikimi i OSHEE sh.a.		Propozimi i ERE-s
		Njësia	Çmimi	Çmimi
a)	Çmimi maksimal i blerjes në treg të parregulluar ose blerja nga prodhuesit me përparësi	Lekë/kwh	9.35	9.35
b)	Kthimi për riskun i përcaktuar në përqindje për vitin (3%)	Lekë/kwh	0.28	0.28
c)	Çmimi maksimal i blerjes në periudhën relevante	Lekë/kwh	9.63	9.63
d)	Kostoja administrative e Furnizuesit të Mundësisë së Fundit	Lekë/kwh	1.79	1.79
e)	Tarifa e përdorimit të rrjetit të transmetimit	Lekë/kwh	0.75	0.75
f)	Tarifa e përdorimit të rrjetit të shpërndarjes	Lekë/kwh	1.5	1.5
Çmimi i energjisë (c+d+e+f)		Lekë/kwh	13.67	13.67

- Nga informacioni bashkëlidhur aplikimit të “OSHEE” sh.a., mbi realizimin e procedurave të blerjes së energjisë elektrike, nga tregu i parregulluar rezulton se çmimi maksimal i blerjes është 74,87 EUR/mwh për sasinë 3,840 mwh nga shoqëria ofertuese EFT AG sh.p.k., në fazën përfundimtare të negociimit në datën 9.4.2019 për periudhën 11.4.2019–22.4.2019 dhe fashën orare 07:00–23:00.

- ERE, në datën 25.4.2019 zhvilloi një seance dëgjimore me shoqërinë OSHEE sh.a., për të diskutuar në lidhje me problematikat e zbatimit të “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit” në lidhje me përcaktimin e kursit zyrtar të

këmbimit i ditës u dakordësua që do të jetë ai i ditës në të cilën mbyllet negociimi, udhëzim i cili i është përcjellë OSHEE sh.a. paraprakisht me anë të shkresë nr. 109/3 prot., datë 27.3.2019.

- Në lidhje me përcaktimin e kostove administrative OSHEE sh.a. vazhdon të mos ketë ndarje të llogarive midis aktiviteteve të Furnizimit dhe Shpërndarjes, si dhe nuk ka një strukturë të posaçme për evidentimin e kostove të administrimit për klientët e FMF-së. Në këto kushte është e arsyeshme të pranojmë koston për njësi prej 1,79 lekë/kwh, për përcaktimin e kostove administrative (elementi CA i formulës) të paraqitur nga OSHEE sh.a.

- Shoqëria OSHEE sh.a., vazhdon të mos përcaktojë kostot e disbalancave për klientët e FMF-së dhe nuk deklaron nëse i faturon këta klientë për këto kosto. Gjatë seancës dëgjimore OSHEE sh.a. u shpreh se do të vijojë përpjekjet për zbatimin e këtij detyrimi ligjor për të matur dhe faturuar, kostot e disbalancave ndaj konsumatorëve FMF dhe do të informojë ERE për ecurinë e këtij procesi, për të cilin ka nisur një korrespondencë me OST sh.a. duke i kërkuar një program orar ku të evidentohen diferencat midis programit dhe konsumit faktik.

- Tarifa e përdorimit të rrjetit të transmetimit: bazuar në vendimin nr. 266, datë 21.12.2018, të bordit të ERE-s “Mbi përcaktimin e tarifës së shërbimit të transmetimit të energjisë elektrike nga shoqëria OST sh.a. për vitin 2019” është 0.75 lekë/kwh.

- Tarifa e përdorimit të rrjetit të shpërndarjes në nivelin e tensionit 35 kV: bazuar në vendimin nr. 268, datë 21.12.2018 të bordit të ERE-s “Mbi lënien në fuqi të vendimit të bordit të ERE-s nr. 190 datë 30.8.2018 në lidhje me tarifën e përdorimit të rrjetit të shpërndarjes sipas nivelit të tensionit dhe çmimet me pakicë për klientët fundorë që shërbehen nga furnizuesi i shërbimit universal për vitin 2019” është 1.5 lekë/kwh.

- Në përfundim, nga verifikimi i informacionit dhe përlllogaritjeve të paraqitura nga shoqëria rezulton se çmimi për shitjen e energjisë elektrike për klientët në kushtet e FMF-së për muajin prill 2019 është 13.67 lekë/kwh.

Për gjithë sa më sipër, bordi i ERE-s,

VENDOSI:

1. Të miratojë çmimin e furnizimit me energji elektrike për klientët e lidhur në nivelin e tensionit 35 kV të cilët furnizohen nga Furnizuesi i Mundësisë së Fundit prej 13.67 lekë/kWh për muajin prill 2019.

2. Drejtoria e Juridike dhe e Mbrojtjes së Konsumatorit të njoftojë aplikuesin për vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.

KRYETAR
Petrit Ahmeti